

تاریخ عثمانی انجمنی

مجموعہ سی

ایک آیدہ بر نشر اولنور. تاریخ عثمانیہ عائد مقالاتہ صحیفہ لرمز آچقدر. درج
ایدلیان مقالات صاحبنہ اعادہ اولنہ بیلور .

علمدار مصطفی پاشا (مابعد) افضل الدین
قہریس فتحی اوزرینہ وثیقہ لر صفوت
آینوروز تاریخچہ سی موسی کاظم
آفرہ دہ اخیلر حکومتی احمد توحید
احمد ثالث دورینہ دائر مادام مونته کونک مکتوبلری احمد رفیق
خبرہ جی باشی احمد پاشا (بونوال) عارف
متفرقہ : قانوننامہ آل عثمان (ایکنجیسی) عارف

فیثائی و غروش

مرجعی — باب عالی تاریخ عثمانی انجمنی
ابونہ قیدی ایچون انجمنہ مراجعت اولنور (

انجمن عثمانی و عثمانی

طبعیت و تاریخ

۱۳۳۱

آینوروز [۱] تاریخیچه سی

۱ - جغرافیا و ادوار قدیمه احوالی

آینوروز خالکیدیا شبه جزیره سنک براوجیدر . بویارم آطه اوزون ، اینجه ، اورمانلق و بوکک طانغی ایله هیتمادر . طولی ۴۰ و عرضی ۶ کیلو مترو اولوب اراضینک هیئت مجموعه سی اونی فرسخ وسعتده در . میلاددن ۴۹۰ سنه اول یونانستانک استیلانسه کلن ایران فرمانبری سرخس خالکیدیا اتکرنده شدتلی فورطنه لره طوتلدی و دوناتمانسی ساحلاردن کچرمک اوزره آینوروزک قره طرفقی آجدی و بر بوجوق فرسخلک بر برزخ حصوله کتیردی . ایران دوناتمانسک بورادن کچوب ویا کچمدیکی تاریخیچه مجهولدر . دکزکنارنده اولق و طاغری افلاکه سرچکمش بولتمق حیلله آینوروز پتیرستلک دورنده دخی بر انزواگاه اولماسی ظن و تخمین ایدیلور ، چونکه میلاددن ۳۴۰ ییل مقدم اسکندر کیرک معماری دینوقراط آینوروز جبلنک اتکلیخی یونتمق واسکندرک هیکلنی یایمق ایسته دیکی مضبوطات تاریخیچه دندر . جبل مذکورک مقدسلکی بظندن بطنه انتقال ایتیش اولمالیدرکه یونانیلر طاغک الک یوکسک والک صارب برقیاننده حضرت مریم ماننه برهیکل انشا ایتدیرمشلردر . آینوروز قطعه منده بکرمی مناستر ویش یوزی متجاوز کلیسا و پاپاسلره مخصوص حجره لر واردر . بومناسترلده ۳۶۱۵ روس ۳۲۰۷ روم ، ۳۴۰ بولغار ، ۲۸۸ رومانی ، ۵۳۰ کورجی و ۱۸ صرب راهبی بولتمقده در ؛ دیگر مد او مین و مستخدمین ایله برابر مناسترلک نفوس عمومیه سی اوتوز بیک کشیدن فضلده در . مرکز اداره «قره س» تسمیه قلتان کویدر .

"Αγιον Όρος"

[۱] روجه تلفظی: آیتون اوروس

۲ - بیزانس دوری

خرستیانلنك ظهوريله پترسترك آينوروز حقنده كي نقليات ورواياتي روما واستانبول اها ليسنه انتقال ايلدي وايكي پاي تخت خلقي آينوروز جبلنه قارشو برار احترام كوستردى ، لكن بوا احترام خصوصى اولوب رسميت كسومنه كيرمدى ؛ وقتا كه سن آطاناس آينوروز محيطي ايچون ميل و محبت اظهار ايتدى ، قسطنطينيه ايمپراطورى ماكدونيالى واسيل آينوروز احوالى نظر اعتايه آلدی و ميلادى ۸۶۷ تاريخندن صوكره آينوروز جميع نصرانيون نظرندۀ تعالى ايتدى . ۹۷۰ ايله ۱۰۲۰ سالنه قدار مرور ايدن سنين و ايام آراسنده آينوروزك قدسيتي هر كسك قولاغنى دولديردي وسن آطاناسك تائيس كرده سى اولان لاورا مناسزى زيارتگاه عمومى حالته كيردى وسن واسيل ايله سن آطاناس طريقتلى كركي كې بول آلدی . ايمپراطور نيكه فوروس فوقاس سن آطاناس طريقتنه منسوب اولنلره خوش كورنمك ايچون محاكه تبعيتدن و خصوصات سارن دن استنكې آنلره بعض امتيازات اعطا و آينوروز مناسزلرينى رسماً تحت حمايتنه ادخال ايلدي و بو صحابتن اعتباراً سن آطاناس طريقتى منسوبىي تفرده باشلادی و ديكر راهبلا ايله اولان بر چوق مجادلاتدن صوكره مناسترلر ايچون تعين و تنسيب اولنان ۱۲۰ راهبك سكر يوزه ابلاغى قرار كير اولدي . آينوروزده اصل مناقشاتك سبب تكونى (پروطوس) مسئله سيدر . پروطوس اها ليجه منتخب بررئيس ديمكدر ، بورئيس ، روحانى و جسمانى قوتلرينى حائر ايكن سن آطاناس بو رياست و انتخاب اصولنى طائيق ايسته مەدى و اليوم مرعى اولان بعض اصول و قواعد روحانيه يي وضع ايلدي ، حالبوكه جزيره مذكوره من القديم بر پروطوسك اداره سنده و استانبول بطريقتخانه نك نظارت منويه سى تحتده اولارق بر جمهوريت روحانيه حائده بولنور و بطريقتلر بو مناسترلردن انتخاب اولنورلر و انفصاللرنده ينه بو مؤسسه لرده اختيار اقامت ايلرلردى .

۱۰۴۶ء میں امپراطور قسطنطین آینوروز جمہوریتہ کی انشانہ واستانبولہ زیتون و شراب و کومور نقلہ مساعدہ آیتدی . بوندن باشقہ مناسترلہ عائد مواشی ہر صرعاہ کزہ جککر ، رسوم و یرمہ جککر ویا لککز اور مانلردن آز بر رسم آلہ جق آید . بومقررات و مساعدات لاورا مناسترینہ منحصر ایکن امپراطور برنجی علکسی وایکنجی یو آنیس زمانلرندہ عموم مناسترلہ تشمیل ایدلشدہ ۱۱۹۵ء دن ۱۲۰۳ء سنہ قدر اجرای حکومت ایدن اوچنجی علکسی اسلافی زمانندہ و ۹۷۱ء میں آینوروزہ گلش اولان کورجی راہلرینہ قیاساً روس و صرب راہلرینک دخی قبولیلہ روس و صربلر ایچون مناستر و مزرعہ و حجرہ لر انشانہ رخصت و یردی و بوسورتلہ صرب قرالی « آتین » ک التماسی ترویج ایتدیکندن ۱۲۰۰ء میں آینوروزہ صرب پارماغی میں قاریشمش اولدی و صربستان ایلہ افلاق و بوغدان زاد کافی طرفدن کلی اراضی و عقار وقف و صربلرونک کیلاندارشو مناستری تأسیس ایدلشدہ . ۹۷۱ء میں قیصر یو آنیس زیمیکس و ۱۰۴۶ء میں دو قوزنجی قسطنطین و ۱۳۹۳ء میں ایکنجی مانوئلک و قیہ و طیبیکا [۱] لری الا آن مناستر راہلرینک اللرندہ کورلمکده اولدینقی سوبلیورلر .

۳ - لاتین دوری

۱۲۰۴ء تاریخندہ قسطنطینیہ نک زمام حکمرانیسی الہ کچیرمش اولان فرانسه امراندن و صلیبوندن بودونن آینوروز امتیازاتی قالدیرمایہ قالقشدی و فقط موفق اولامادی . بولاتین دوری آینوروز جمہوریت روحانیہ نک اک فلاکتلی بر زمانی اولوب حکومت رهبانہ قارشو صہابتزلک آثارینی کوسترنجہ اطراف و اکنافک قورسان و اشقیاسی مناسترلہ هجوم و اموال و حیواناتی یضا ایتدکلرندن ہیئت رهبان قلعہ

[۱] ییزانس امپراطورلرینک حکمنامہ لری ، قاپیٹولہ لرلری .

کبی مستحکم بنالر انشاسیله برابر (مذهب دشمنی) طانیدقلری پاپا اوچنجی اینوساندن استمداد ایتشلر و مقابلنده بویوک معاونت کورمشلردر. بومعاونت پاپالقی مقامی ایچون بر فرصت و غنیمت صایلدی و ۱۲۶۱ ده ایزنیقندن استانبوله نقل کرسی حکومت ایله بن میشل پاله تولوغوس آینوروزه کیتدی و پاپانک آرزوسی وجهله شرق و عرب کلیسارینی برلشدیرمهیه چالشدی ، اما موفقیت جهتی امکانسز کورندی . لایتیلرک ییزانسدن اخراجی تاریخی اولان ۱۲۶۱ دن ۱۳۱۲ سالنه قدر آینوروز اموری مداخلات ایله کچدی واک نهایت پروطوس انتخابی بنه جزیره رهباننه ترک و تودیع قلندی .

۴ - هزینقاست [۱] فرقه لری

۱۳۱۲ دن ۱۳۵۱ . قادار جزیره مصالحی حضور و سکون ایله کچدی؛ ۱۳۵۴ ده [۲] جبل مقدسه بارلا آم و پالاماس نامنده ایکی راهب ازروا و فراغت رهبانه دائر بر اجتهاد قبوسی آجارق بوتشتت جبل مذکورک مشروطیت آنی دیمک اولان ۱۷۸۳ (هجری ۱۱۹۸) نظامنامه سنه دکن امتداد ایلدی ؛ کرچه پالاماس طرفدارانی اکثریت ایله حق قزائمشلر ایسه ده بوفاد شکلدن شکله کیردی و باب عالی بو اختلافاندن بالاستفاده مذکور نظامنامه نك تنظيم و قبولنه موفق اولشدر .

۵ - عثمانلی دوری

شرق ایمپراطوری مانوئل پاله تولوغوس بطریق افسدیلر ایله عموم اورتودو قسیرک محبتی قزانق ایچون ۱۳۹۲ ده آینوروز جبلنک امتیازات

[۱] کوشه نینان

[۲] حصول ائتلاف ایچون استانبوله بر مجلس روحانی انعقاد ایتشدر .

قدیمه‌سنی تأیید ایلدی و بوصول امتیازات فتح عثمانیانه قادار بردوام اولمشدر. خداوندکار غازی حضرتلری شبه جزیره یی ۷۷۶ (۱۳۷۴) ده ضمیمه ممالک ایتمشله و یزانسلیلرک ویردیکی امتیازاتی بر فرمان ایله ابقایور مشاردرد. بوفرمان صورتی بولنیور، لکن اوفرمان ایچون بر احتیاج شدید دخی کورلیور، زیر سلیم ثانی عصرنده ۷ شعبان ۹۷۶ تاریخنده ویریلن فرمان مرادخان اول فرمانی تأیید و تحکیم ایلور. سلیم ثانی فرمانی سلانیکک تحریر قدیم دفترنده مضبوط و مالی شودر: «اجداد عظامندن مراد خانک مساعداتی تأیید ایلورم، آینوروز راهبرینک ۱۴ بیک سکه آلتون بورجلری واردر، مناسترلر ایله رهبانه عائد باغ، باغچه، خانه، دکان، میخانه، صغیر، قیون و ذخیره انبارلرینی تکالیفدن معاف طوتیورم، اما ایله موقوفاتیجی و ووده و سوباشیلر آینوروز راهبرینی بشقه صورتله رنجیده ایتمهلر، اما بومعافیانه مقابل مناسترلر ایله راهبر بیت المال مسلمینه مقاطعه سنویه اولارق ۷۰ بیک ایچقه خراج ویره جکلردر، خراج باشقه و عشر ایله سالاریه بشقه‌در، بو ایکی قلم دخی آبروجه وجه شرعی اوزره تحصیل قلته جقدر.». بومهم و مفصل فرماندن ماعدا تحریر اولان مناسترلردن هر برینک قری و مزارعی یازیلوب تعداد ایدلدکدن صوکره جمله‌نک ذیلنده شو عباره یازلمشدر:

«دیوشان مناسترنده ساکن اولان راهبرلر زراعت ایلدکلری ترلاری و چایرلرینی و تشلاق و یایلاقلرینی مرد اولدقلرنده یرینه قالانلری تصرف ایدوب عشر و سالاریه‌لرینی ویردکلرندن صوکره ترلارینه غیری کسسه دخل ایتمیه و طپو طلب ایتمیه دیوفرمان اولغین دفتر جدیده قید اولندی.». خراج ایله عشر و سالاریه‌نک زمان جبایتی ایچون خرمن زمانی تعیین و تصریح اولمشدر. ۱۲۳۷ سنه هجریه‌سنده نحدث ایدن قیام عمومی اشناسنده آینوروز جزیره‌سنده ساکن اهالی دخی آثار غلو کوستردی و دولت حوالی مذکوره‌ده عسکر بولند برمایه و جزیره عائد اموری

بوستانچی باشی اغانك نظارتنه ویرمه‌یه مجبور اولمشدر . دیوان هایون
قیودنده کوریلن درکنار عیناً نقل اولتیور :

« آینوروز جزیره‌سندن بر خصوص ایچسون عرض وعرضحال
واعلام واوراق سائر ورودنده اول امرده خاصه بوستانچی باشی اغا
طرفدن انها اولمندقچه عمل واعتبار وصورت اخراج اولنماق بابتده ۱۲
جمادی الاولی ۱۲۲۵ تاریخنده موقوفادن وارد اولان علم خبر قائمه‌سی
دیوان هایون طرفنده مقیددر . »

۹۷۶ فرمانندن اواخر صفر ۱۱۱۷ تاریخی نظامنامه‌یه قادار جزیره
ایشلری کرچه حسن تمثیت ایدلش ایسه‌ده بطریقخانه ایله محلی اداره
هیئت میاندخ اختلافات اکسک اولمذینی کبی مناسترلرده مقیم رهبان
دخی یکدیگری علیهنده بولنمشلردر . هجری ۱۰۷۶، ۱۰۷۸، ۱۱۵۷ .
۱۱۶۳، ۱۱۷۲ و ۱۱۹۴ سنه‌لری کورلتی وخشونودسزلکله کچدی وباب
عالی دائماً اعتدال و بیطرفلغنی محافظه‌یه چالشدی و وصایا ایفاسیله برابر وقت
وحاله کوره تعلیماتمه‌لر تنظیمندن بر آن خالی قالمادی . قاینارجه معاهده .
سنگ برنجی و برلین عهدنامه‌سنگ آلتش ایکنجی ماده‌لرنده آینوروزک
مساعداات وامتیازاتی وروسیه و صربستان ورومانیا مناسترلرینک محافظه
موجودیتی تصدیق اولنمشدر . ۲۰ ذی‌الحجه ۱۲۸۲ سالنده آینوروز
ایچون الیوم مرعی اولان نظامنامه یاپلیدی وجزیره‌نک سنوی مقطوع
ویرکوسی (۴۱۲۶۳) غروشده تقریر ایدلدی .

موسی کاظم